

addiern/ Heiß dir die zahl des/ oder die Summ
sagen/ *re.* Subtrahir von der Summ 250. in
Resto findestu das Facit also/ Die erst Figur
gegen der rechten handt zeigt an das Glied/ die
ander den Finger/ die dritt den/ der den Ring
an hat. Du must auch mercken vnd acht ha-
ben/ daß du es ihm sagest/ wie nachfolgt/ *re.*
Sprich an dem wollen wir die Rechnung an-
fahen/ vñ wollen rechts vmbher zehlen/ das ist/
von der Rechten gegē der Lincken/ nach der ze-
lung sol der recht Daum der erst Finger/ vnd
der Daume der Lincken Handt der zehende
Finger seyn/ vnd soll ein jedes Nagel glied/ das
erst glied seyn.

Exempel.

Es sitzen 12 in einer Zech/ hat der 1 den Ring
an am 2 Finger/ das ist der Zeiger finger der
rechten hand/ am 3 glied.

Heiß dir die Zahl der Person/ das ist 12. Du-
pliern/ kompt 2 vnd 5. darzu Addiren/ kompt 7
mit 5 Multipliciern/ kompt 35/ die zahl des fin-
gers/ das ist 2 darzu Addiern/ kompt 37/ vnd
mit 10 Multipliciern/ kompt 370. vnd die zahl
des Glieds das ist 3. darzu Addiern/ kompt 373.

Heiß dir die Zahl sagen/ darvon zih 250. bleibe
noch in Resto 123. da sihestu daß der 1 den ring
am 2 Finger/ vnd am dritten Glied hat.

Item/ Ein Erbar Bürger/ hat zu Gast ge-
laden/